

REGLUGERÐ

um greiðslupátttöku sjúkratryggðra í kostnaði vegna heilbrigðisþjónustu.

I. KAFLI

Almenn ákvæði.

1. gr.

Gildissvið.

Í reglugerð þessari er kveðið á um þau gjöld sem sjúkratryggðir skulu greiða fyrir heilbrigðisþjónustu sem veitt er á heilsugæslustöðvum, sjúkrahúsum og Heyrnar- og talmeinstöð og fyrir heilbrigðisþjónustu sem veitt er hjá sjálfstætt starfandi læknum, sjúkraþjálfurum, iðjuþjálfum, talmeinafræðingum og sálfræðingum sem Sjúkratryggingar Íslands hafa samið við skv. IV. kafla laga nr. 112/2008, um sjúkratryggingar. Enn fremur er í reglugerðinni kveðið á um þau gjöld sem sjúkratryggðir skulu greiða fyrir meðferð húðsjúkdóma sem veitt er af öðrum heilbrigðisstarfsmönnum en læknum samkvæmt samningum. Loks er kveðið á um gjald fyrir sjúkraflutninga.

Þjónustuveitendum, sbr. 1. mgr., er óheimilt að innheimta hærri eða önnur gjöld af sjúkratryggðum en kveðið er á um í reglugerð þessari og fylgiskjali með henni.

Sjúkratryggingar Íslands skulu kynna almenningi efni þessarar reglugerðar.

2. gr.

Hverjir eru sjúkratryggðir.

Sjúkratryggður er sá sem er búsettur á Íslandi og hefur verið það a.m.k. síðustu sex mánuðina áður en bóta er óskað úr sjúkratryggingum að uppfylltum öðrum skilyrðum laga um sjúkratryggingar nema annað leiði af milliríkjasamningum, sbr. 10. gr. laga um sjúkratryggingar. Með búsetu er átt við lögheimili í skilningi lögheimilislaga. Börn yngri en 18 ára sem búsett eru hér á landi eru sjúkratryggð með foreldrum sínum. Sama á við um stjúpbörn og fösturbörn. Að öðru leyti gilda 10.–16. gr. laga um sjúkratryggingar um það hverjir teljast sjúkratryggðir hér á landi.

Sjúkratryggingar Íslands ákvarða hvort einstaklingur telst sjúkratryggður.

II. KAFLI

Greiðslur sjúkratryggðs og afsláttarstofn.

3. gr.

Hámarksgreiðsla sjúkratryggðra.

Hámarksgreiðsla sjúkratryggðs almennt í almanaksmánuði fyrir heilbrigðisþjónustu samkvæmt reglugerð þessari er 28.162 kr. Fari heildarkostnaður sjúkratryggðs í almanaksmánuði yfir þá fjárhæð greiða sjúkratryggingar, þ.e. Sjúkratryggingar Íslands eða viðkomandi heilbrigðisstofnun, það sem umfram er, sbr. þó 4. gr.

Hámarksgreiðsla aldraðra, öryrkja, barna og barna með umönnunarmat í almanaksmánuði fyrir heilbrigðisþjónustu samkvæmt reglugerð þessari, er 18.775 kr. Fari heildarkostnaður í almanaksmánuði yfir þá fjárhæð greiða sjúkratryggingar, þ.e. Sjúkratryggingar Íslands eða viðkomandi heilbrigðisstofnun, það sem umfram er, sbr. þó 4. gr.

Börn með sama fjölskyldunúmer samkvæmt skilgreiningu Þjóðskrár Íslands skulu teljast einn einstaklingur. Hámarksgreiðsla barna í sömu fjölskyldu, almennt í almanaksmánuði fyrir heilbrigðisþjónustu samkvæmt reglugerð þessari, er 18.775 kr. Fari heildarkostnaður í almanaksmánuði yfir þá fjárhæð greiða Sjúkratryggingar Íslands eða viðkomandi heilbrigðisstofnun það sem umfram er, sbr. þó 4 gr.

Til að sjúkratryggðir njóti réttinda samkvæmt þessari grein ber veitanda heilbrigðisþjónustu að skila reikningsupplýsingum til Sjúkratrygginga Íslands á því formi sem stofnunin ákveður.

4. gr.

Afsláttarstofn og greiðslur sjúkratryggðs fyrir heilbrigðisþjónustu.

Greiðslur sjúkratryggðs fyrir heilbrigðisþjónustu samkvæmt reglugerð þessari mynda afsláttarstofn. Afsláttarstofn er nýttur við ákvörðun á greiðslum sjúkratryggðs við kaup á heilbrigðisþjónustu.

Afsláttarstofn verður aldrei hærri en hámarksgreiðsla sjúkratryggðs í almanaxsmánuði, sbr. 3. gr. Afsláttarstofn flyst á milli mánaða að frádregnum 1/6 hluta af hámarksgreiðslu um hver mánaðamót, óháð greiðslum sjúkratryggðs.

Við ákvörðun greiðsluþátttöku sjúkratryggðs vegna heilbrigðisþjónustu samkvæmt reglugerð þessari skal leggja saman afsláttarstofn og greiðslur sjúkratryggðs við kaup á heilbrigðisþjónustu. Séu samanlagðar greiðslur lægri en hámarksgreiðsla, sbr. 3. gr., greiðir sjúkratryggður kostnaðinn allt að hámarksgreiðslu. Kostnaður umfram hámarksgreiðslu sjúkratryggðs greiðist af Sjúkratryggingum Íslands, ef um er að ræða þjónustu sem þær taka þátt í að greiða, annars af viðkomandi heilbrigðisstofnun.

5. gr.

Greiðslur sem falla ekki í afsláttarstofn.

Eftirfarandi greiðslur falla ekki í afsláttarstofn skv. 4. gr.:

1. Greiðslur skv. 11. gr. vegna þjónustu í heilsugæslu með þar tilgreindum undantekningum.
2. Greiðslur skv. 11. mgr. 12. gr. vegna kostnaðar við dagvist aldraðra.
3. Greiðslur skv. 13. gr. vegna endurtengingar eggjaleiðara eða sáðrásar eftir ófrjósemisaðgerð.
4. Greiðslur skv. 14 gr. vegna læknisvottorða.
5. Greiðslur skv. 2. og 4. tölul. 1. mgr. 15. gr. vegna komu til sérfræðings í augnlækningum og komu á göngudeild til sérfræðings í háls-, nef og eyrnalækningum í nánar tilgreindum tilvikum.
6. Greiðslur skv. 31. gr. vegna sjúkraflutninga.

III. KAFLI

Orðskýringar. Fagleg samskipti heilbrigðisstarfsmanna.

6. gr.

Orðskýringar.

Í reglugerð þessari hafa eftirfarandi orð svofellda merkingu:

1. Aldraður: Sjúkratryggður einstaklingur 67 ára og eldri og sjómaður 60 ára og eldri sem stundað hefur sjómennsku í 25 ár eða lengur, sbr. 8. og 9. mgr. 17. gr. laga nr. 100/2007, um almannatryggingar.
2. Börn: Sjúkratryggðir einstaklingar yngri en 18 ára.
3. Börn með umönnunarmat: Sjúkratryggð börn og ungmenni á aldrinum 18 og 19 ára sem eru með umönnunarmat frá Tryggingastofnun ríkisins, sbr. 4. gr. reglugerðar nr. 504/1997, um fjárhagslega aðstoð við framfærendur fatlaðra og langveikra barna, með síðari breytingum.
4. Sjúkratryggðir almennt: Sjúkratryggðir einstaklingar aðrir en aldraðir, öryrkjar, börn og börn með umönnunarmat frá Tryggingastofnun ríkisins.
5. Öryrki: Sjúkratryggður einstaklingur sem hefur verið metinn til a.m.k. 75% örorku hjá Tryggingastofnun ríkisins, sbr. b-lið 1. mgr. 18. gr. laga nr. 100/2007, um almannatryggingar. Einstaklingar með endurhæfingarlífeyri njóta sömu réttinda og öryrkjar samkvæmt reglugerð þessari.
6. Umsamið heildarverð: Gjald sem samið hefur verið um í samningum Sjúkratrygginga Íslands við veitendur heilbrigðisþjónustu, skv. IV. kafla laga nr. 112/2008, um sjúkratryggingar.
7. Ákveðið heildarverð: Gjald vegna sérfræðiþjónustu á göngu- og dagdeildum sjúkrahúsa sem ýmist fer eftir samningum, sbr. 6. tölul., eða gjaldskrá Sjúkratrygginga Íslands skv. 38. gr. laga um sjúkratryggingar, nr. 112/2008, séu samningar ekki fyrir hendi.

7. gr.

Fagleg samskipti heimilislækna, heilsugæslulækna og sérgreinalækna.

Í samræmi við markmið um að tryggja fagleg samskipti milli heimilislækna, heilsugæslulækna og sérgreinalækna er gert ráð fyrir því sem meginreglu í reglugerð þessari að samskipti sjúklings og læknis hefjist hjá heimilis- eða heilsugæslulækni.

Sjúklingur sem kemur til sérgreinalæknis fyrir milligöngu heimilis- eða heilsugæslulæknis skal hafa fengið tilvísun frá heimilis- eða heilsugæslulækni. Sérgreinalæknirinn skal ávallt senda læknaþréf til heimilis- eða heilsugæslulæknis sjúklings, sbr. þó 4. mgr.

Komi sjúklingur til sérgreinalæknis án milligöngu heimilis- eða heilsugæslulæknis skal sérgreinalæknir ávallt senda heilsugæslu- eða heimilislækni sjúklingsins læknaþréf. Komi sjúklingur til sérgreinalæknis fyrir milligöngu annars sérgreinalæknis skal síðari sérgreinalæknirinn ávallt senda læknaþréf til heimilis- eða heilsugæslulæknis sjúklingsins og þess sérgreinalæknis sem hafði milligöngu um samskiptin, sbr. þó 4. mgr.

Sjúklingi er heimilt að óska þess við lækni að hann sendi ekki upplýsingar honum viðkomandi til annarra lækna. Þess skal þá getið í sjúkraskrá. Lækni er og skylt að útskýra fyrir sjúklingi ábyrgð þá sem þessu fylgir fyrir sjúklinginn sjálfan og þær mögulegu afleiðingar að tilvísun fái ekki útgefin.

IV. KAFLI Heilsugæsla.

8. gr.

Komugjöld á dagvinnutíma.

Fyrir komu á heilsugæslustöð eða til heimilislæknis á dagvinnutíma skulu sjúkratryggðir greiða sem hér segir:

1. Sjúkratryggðir almennt á heilsugæslustöð, 500 kr.
2. Aldraðir og öryrkjar greiða ekkert gjald.
3. Börn og börn með umönnunarmat greiða ekkert gjald.

Undanþegnar gjaldskyldu eru komur sem tengjast meðgönguvernd þar sem þungun hefur verið staðfest og komur í allt að fjórar vikur eftir fæðingu.

Undanþegnar gjaldskyldu eru komur vegna heilsuverndar barna, heilsugæsla í skólum og unglingamóttaka í heilsugæslu sem veitir ráðgjöf og fræðslu um forvarnir.

Undanþegnar komugjaldi eru komur sem eru eingöngu vegna krabbameinsleitar á heilsugæslustöðvum og hjá heimilislæknum en greiða þarf gjald fyrir legstrok vegna krabbameinsleitar. Sjúkratryggðir almennt greiða 500 kr. Aldraðir og öryrkjar greiða ekkert gjald.

Gjöld samkvæmt þessari grein renna til reksturs heilsugæslustöðvar eða stofureksturs heimilislæknis.

9. gr.

Komugjöld utan dagvinnutíma.

Fyrir komu á heilsugæslustöð eða til heimilislæknis utan dagvinnutíma, þ.e. milli kl. 16.00 og 08.00 á virkum dögum, um helgar og helgidögum, skulu sjúkratryggðir greiða sem hér segir:

1. Sjúkratryggðir almennt, 3.100 kr.
2. Aldraðir og öryrkjar greiða ekkert gjald.
3. Börn og börn með umönnunarmat greiða ekkert gjald.

Hafi lækni sjálfur valið að sinna læknisstarfi utan dagvinnutíma skal greitt skv. 8. gr.

Gjöld samkvæmt þessari grein renna til reksturs heilsugæslustöðvar eða stofureksturs heimilislæknis.

10. gr.

Gjöld vegna vitjana lækna.

Fyrir vitjun læknis á dagvinnutíma skulu sjúkratryggðir greiða sem hér segir:

1. Sjúkratryggðir almennt, 3.400 kr.
2. Aldraðir og öryrkjar greiða ekkert gjald.
3. Börn og börn með umönnunarmat greiða ekkert gjald.

Fyrir vitjun læknis utan dagvinnutíma skulu sjúkratryggðir greiða sem hér segir:

1. Sjúkratryggðir almennt, 4.500 kr.
2. Aldraðir og öryrkjar greiða ekkert gjald.
3. Börn og börn með umönnunarmat greiða ekkert gjald.

Með vitjun samkvæmt þessari grein er átt við þjónustu læknis utan heilsugæslustöðvar eða starfsstöðvar sjálfstætt starfandi læknis.

Hafi læknir sjálfur valið að sinna vitjun utan dagvinnutíma skal greiða vitjanagjald dagvinnutíma skv. 1. mgr.

Vitjanagjald greiðist lækni og dregst frá sammingsbundinni þóknun hans fyrir vitjanir.

11. gr.

Gjöld fyrir aðra þjónustu.

Auk komugjalda skv. 8. og 9. gr. skulu sjúkratryggðir greiða gjald fyrir bólusetningar á heilsugæslustöð eða hjá heimilislækni sem starfar utan heilsugæslustöðva miðað við kostnaðarverð/innkaupsverð fyrir hvern skammt bóluefnis. Verðskrá skal birt á vefsíðu Heilsugæslu höfuðborgarsvæðisins og gildir hún fyrir allar heilsugæslustöðvar og heimilislækna. Þó er bóluefni við árstíðabundinni inflúensu að kostnaðarlausu þeim sem eru í sérstökum áhættuhópum og sóttvarnalæknir tilgreinir. Gjöldin skulu einnig greidd í heimahjúkrun.

Ekkert gjald er greitt fyrir heilsuvernd barna og heilsugæslu í skólum, sbr. 2. mgr. 8. gr. Í heilsuvernd barna er ekki greitt gjald fyrir bólusetningar við stífkrampa, mænusótt, rauðum hundum og MMR (mislingar + hettusótt + rauðir hundar), barnaveiki, kíghósta, H. influenzae b sjúkdómi, mislingum, hettusótt, meningókokkasjúkdómi C, pneumókokkasjúkdómi og leghálskrabbameini af völdum HPV.

Auk komugjalda skv. 8. og 9. gr. skulu sjúkratryggðir, aðrir en börn og börn með umönnunarmat, greiða gjald fyrir aðra þjónustu en um getur í 1. mgr. sem hér segir:

1. Þungunarpróf, 150 kr.
2. Streptokokkarannsóknir, 240 kr.
3. Lyfjaleit í þvagi, 850 kr.
4. CRP (C-reaktíft prótein), 1.000 kr.
5. HbA1c (glýkósýlerað hemóglóbín), 2.400 kr.
6. Berklapróf (Mantoux), kostnaðarverð/innkaupsverð.
7. Lykkja (T), 3.400 kr.
8. Hormónalykkja, kostnaðarverð/innkaupsverð.
9. Ofnæmispróf (prick húðpróf), kostnaðarverð/innkaupsverð.
10. Pokar vegna blóðaftöppunar, 1.400 kr.
11. Afnot af rannsóknatæki fyrir kæfisvefn, 5.638 kr.
12. Leigugjald fyrir afnot af blóðþrýstingsmæli í 24 stundir, 5.638 kr.
13. Heilsueflandi námskeið fyrir konur: Njóttu þess að borða, námskeið fyrir konur í yfirvigt, 11.762 kr.
14. Námskeið fyrir verðandi foreldra:
 - a. Námskeið um undirbúning fæðingar, 11.762 kr.
 - b. Námskeið fyrir verðandi tvíburaforeldra, 11.762 kr.
 - c. Fræðsla um brjóstagið, 6.583 kr. fyrir par, 3.346 kr. fyrir einstakling.
 - d. Námskeið til að bæta tillfinningalega líðan á meðgöngu. Námskeiðið er þátttakendum að kostnaðarlausu.
15. Færniþjálfunarnámskeið fyrir foreldra og börn:
 - a. Uppeldisnámskeið fyrir foreldra, 11.437 kr. fyrir eitt foreldri og 14.136 kr. fyrir báða foreldra.
 - b. Uppeldis- og foreldrafærninámskeið fyrir foreldra barna með ADHD, 12.840 kr. fyrir eitt foreldri og 17.048 kr. fyrir báða foreldra.
 - c. Snillingarnir – færniþjálfunarnámskeið (samskipti, tilfinningastjórn, athygli o.fl.) fyrir 8–10 ára börn með ADHD, 11.762 kr.
 - d. Klókir krakkar – meðferðarnámskeið fyrir börn með kvíða og foreldra þeirra, 17.048 kr. fyrir barn og foreldri.
 - e. Vinasmiðjan – færniþjálfunarnámskeið fyrir börn á einhverfurófi, 13.488 kr.

Gjöld samkvæmt þessari grein renna til reksturs heilsugæslustöðvar.

V. KAFLI
Sjúkrahús.

12. gr.

Komugjöld.

Sjúkratryggðir greiða ekkert gjald fyrir legu á sjúkrahúsum sem rekin eru af ríkinu eða samkvæmt samningum. Legan skal tryggð eins lengi og nauðsyn krefur ásamt læknishjálpi, lyfjum og annarri þjónustu sem sjúkrahúsið veitir. Með legu er átt við samfellda dvöl sjúkratryggðs á sjúkrahúsi, á legudeild eða í undantekningartilvikum bráðamóttökudeild þegar ekki er unnt að innrita sjúkratryggðan á legudeild, í sólarhring, þ.e. 24 klukkustundir eða lengur, vegna sjúkdómsástands/meðferðar sem krefst almennt innlagnar á legudeild.

Ef sjúkratryggður, sem skráður er í legu á sjúkrahúsi, leitar heilbrigðisþjónustu utan sjúkrahússins, þar sem ekki er unnt að veita honum þjónustuna á sjúkrahúsinu, greiðir hann gjald í samræmi við önnur ákvæði reglugerðar þessarar.

Fyrir komu og endurkomu á slysadeild og bráðamóttöku sjúkrahúsa skulu sjúkratryggðir greiða sem hér segir:

1. Sjúkratryggðir almennt, 7.229 kr.
2. Aldraðir og öryrkjar, 4.748 kr.
3. Börn og börn með umönnunarmat greiða ekkert gjald.

Fyrir komu og endurkomu á dag- eða göngudeild sjúkrahúsa vegna þjónustu annarra en sérgreinalækna skulu sjúkratryggðir greiða sem hér segir:

1. Sjúkratryggðir almennt, 3.992 kr.
2. Aldraðir og öryrkjar, 2.589 kr.
3. Börn og börn með umönnunarmat greiða ekkert gjald.

Sjúkratryggðir sem koma oftar en einu sinni á sólarhring vegna sama vandamáls skulu einungis greiða fyrir eina komu á sólarhring, þ.e. á 24 klukkustundum.

Sjúkratryggðir skulu, þrátt fyrir 4. mgr., taka þátt í kostnaði við iðjuþjálfun, sjúkrahjúlfun og talþjálfun á sjúkrahúsum á sama hátt og þeir sem leita til þjálfara sem starfa samkvæmt samningi við Sjúkratryggingar Íslands, sbr. 22. gr. Skiptafjöldi í viðurkenndri iðjuþjálfun, sjúkrahjúlfun og talþjálfun, sem veitt er á göngudeildum sjúkrahúsa, telst ekki til meðferðarskipta skv. 20. gr.

Sjúkratryggðir skulu, þrátt fyrir 4. mgr., taka þátt í kostnaði við meðferð húðsjúkdóma, sem veitt er á sjúkrahúsi af öðrum en læknum, á sama hátt og þeir sem leita til meðferðaraðila sem starfa samkvæmt samningi við Sjúkratryggingar Íslands, sbr. 24. gr.

Sjúkratryggðir almennt skulu greiða 5.072 kr. fyrir mynd af brjóstum vegna krabbameinsleitar. Aldraðir og öryrkjar greiða 2.589 kr.

Sjúkratryggðir almennt skulu greiða 28.162 kr. fyrir keiluskurðaðgerðir, sbr. þó 3. gr. Aldraðir og öryrkjar greiða 2/3 af því sem sjúkratryggðir almennt greiða, sbr. 3. gr.

Sjúkratryggðir almennt skulu greiða 28.162 kr. fyrir kransæða- og hjartaþræðingu, sbr. þó 3. gr. Aldraðir og öryrkjar skulu greiða 2/3 af því sem sjúkratryggðir almennt greiða fyrir kransæða- og hjartaþræðingu, sbr. 3. gr. Börn og börn með umönnunarmat greiða ekkert gjald.

Aldraðir sem njóta þjónustu dagvistar í tengslum við sjúkrahús skulu taka þátt í kostnaði af dagvistinni skv. 19. gr. laga nr. 125/1999, um málefni aldraðra.

Gjöld fyrir þjónustu skv. VIII. kafla greiðast til viðbótar við komugjöld skv. 3. mgr. Þó skulu komugjald og gjöld skv. VIII. kafla takmarkast við hámarks gjald í almanaksmánuði, sbr. 3. gr.

Gjöld samkvæmt þessari grein skulu renna til reksturs sjúkrahúss.

13. gr.

Gjald fyrir endurtengingu eggjaleiðara eða sáðrásar eftir ófrjósemisaðgerð.

Fyrir endurtengingu eggjaleiðara eftir ófrjósemisaðgerð skal sjúkratryggður greiða 282.265 kr. Fyrir endurtengingu sáðrásar eftir ófrjósemisaðgerð skal sjúkratryggður greiða 337.077 kr.

Gjald samkvæmt þessari grein rennur til reksturs sjúkrahúss.

VI. KAFLI

**Sameiginleg ákvæði fyrir þjónustu í heilsugæslu,
hjá heimilislæknum og á sjúkrahúsum.**

14. gr.

Gjöld fyrir læknisvottorð í heilsugæslu, hjá heimilislæknum og á sjúkrahúsum.

Fyrir læknisvottorð á formi Tryggingastofnunar ríkisins vegna lífeyrstrygginga eða bóta félagslegrar aðstoðar og á formi Sjúkratrygginga Íslands vegna sjúkratrygginga eða slysatrygginga skulu sjúkratryggðir greiða sem hér segir:

1. Ekkert gjald fyrir örorkuvottorð vegna lífeyrstrygginga (A og B), örorkuvottorð vegna slysatrygginga (A), vottorð vegna fjárhagslegrar aðstoðar við fötluð og sjúk börn eða vottorð vegna endurhæfingarlífeyris.
2. Fyrir framhaldsvottorð vegna slysatrygginga, 701 kr.
3. Fyrir læknisvottorð vegna slysatrygginga (áverkavottorð), vegna beiðni um þjálfun, vegna öflunar hjálpartækja, vegna lengingar fæðingarorlofs, vegna hreyfihömlunar (uppbót vegna reksturs bifreiðar), vegna umsóknar um styrk og uppbót til kaupa á bifreið fyrir fatlað fólk, vegna heimahjúkrunar, vegna umsóknar um lyfjaskírteini, vegna meðferðar sjúklings erlendis, vegna sjúkradagpeningavottorðs eða skýrslu vegna ferðakostnaðar innanlands, 1.511 kr.

Fyrir önnur læknisvottorð en tilgreind eru í 1. mgr. skal innheimta gjöld sem hér segir:

1. Ekkert gjald fyrir vottorð vegna andláts (dánarvottorð).
2. Ekkert gjald fyrir starfshæfnisvottorð sem staðfestir heilsufar.
3. Fyrir vottorð um fjarvistir nemenda úr skólum, 658 kr.
4. Fyrir vottorð vegna sjúkranudds, 1.511 kr.
5. Fyrir vottorð um fjarvistir til atvinnurekenda, ónæmisáðgerðir og alþjóðaónæmisskírteini, heilsufar nemenda til skóla, leikskóla og sumarbúða, vottorð um heilsufar einstaklinga til félagsþjónustunnar og annarra stofnana, vottorð um undanþágu til bílbeltanotkunar, vottorð vegna veitingar ökuleyfis og endurgreiðslu ferðakostnaðar, svo sem ferðarofs, vottorð til skattyfirvalda og vottorð um heilsufar kjörforeldra, stuðningsforeldra og fósturforeldra 2.158 kr.
6. Fyrir vottorð vegna bóta úr slysa- og sjúkrasjóðum stéttarfélaga, án greinargerðar, 1.511 kr.
7. Fyrir vottorð vegna umsókna um örorkubætur til lífeyrissjóða, fóstureyðingar og ófrjósemisáðgerðar skal miða við hversu langan tíma það tekur lækni að gera vottorðið og skal greiða 5.072 kr. fyrir hverjar byrjaðar 20 mínútur.
8. Fyrir vottorð vegna byssuleyfis, skóla og sumarbúða erlendis og um heilsufar eða vinnufærni vegna umhverfis eða atvinnu, þ.m.t. vegna atvinnuréttinda (meiraprófs), 6.042 kr.
9. Fyrir vottorð til lögmanna og tryggingafélaga vegna sjúkdóma eða slysa, til tryggingafélaga vegna líf- og sjúkdómatrygginga eða umsókna um örorkubætur eða ættleiðingu, til lögreglu, sýslumanna, vegna dvalar- og/eða atvinnuleyfa hér á landi og dvalar eða starfa erlendis, fyrir ítarlegt vottorð um heilsufar einstaklings vegna beiðni þriðja aðila (skóla, atvinnurekanda, sjómanna vottorð), skal miða við hversu langan tíma það tekur lækni að gera vottorðið og skal greiða 5.072 kr. fyrir hverjar byrjaðar 20 mínútur.

Gjöld fyrir vottorð samkvæmt þessari grein skulu renna til viðkomandi stofnunar.

VII. KAFLI

**Sameiginleg ákvæði fyrir þjónustu utan sjúkrahúsa
og á göngudeildum og dagdeildum sjúkrahúsa.**

15. gr.

Gjöld fyrir sérgreinalæknishjálp.

Fyrir hverja komu til sérgreinalæknis utan sjúkrahúsa og á göngudeild eða dagdeild sjúkrahúsa, sbr. þó 13. gr., skulu sjúkratryggðir greiða sem hér segir:

1. Sjúkratryggðir almennt, 90% af umsömdu eða ákveðnu heildarverði fyrir komuna, sbr. þó 3. gr.

2. Fyrir komu til sérfræðings í augnlækningum til sjónmælingar vegna sjónlagsgalla greiða sjúkratryggðir almennt umsamið eða ákveðið heildarverð. Greiðslur samkvæmt þessari málsgrein falla ekki í afsláttarstofn, sbr. 5. gr.
3. Stafi sjónlagsgallinn, eða notkun gleraugna, af slysi eða sjúkdómi falla greiðslur þó í afsláttarstofn, sbr. 4. gr.
4. Fyrir komu á göngudeild til sérfræðings í háls-, nef- og eyrnalækningum vegna sérhæfðrar skoðunar til öflunar flugréttinda eða viðhalds þeirra greiða sjúkratryggðir umsamið eða ákveðið heildarverð. Greiðslur samkvæmt þessari málsgrein falla ekki í afsláttarstofn, sbr. 5. gr.
5. Aldraðir og öryrkjar, 2/3 af því sem sjúkratryggðir greiða almennt fyrir komuna, sbr. þó 3. gr.
6. Börn á aldrinum tveggja ára til og með 17 ára með tilvísun frá heilsugæslu- eða heimilislækni greiða ekkert gjald, annars 1/3 af því sem sjúkratryggðir greiða almennt fyrir komuna, sbr. þó 3. gr. Ef koma til sérfræðings á göngudeild eða dagdeild sjúkrahúsa er í beinu framhaldi af komu á slysadeild eða bráðamóttöku sjúkrahúsa skal þó ekki greiða gjald.
7. Börn yngri en tveggja ára og börn með umönnunarmat greiða ekkert gjald.

Fyrir kostnað vegna einnota áhalds og efna, sem notuð eru vegna aðgerða utan sjúkrahúsa hjá sérfræðingum í skurðlækningum og svæfingum, greiða sjúkratryggðir ekkert gjald.

Fyrir rafræn samskipti (símtöl og tölvupóst) við sérgreinalækni greiða sjúkratryggðir umsamið heildarverð að fullu enda séu meira en þrjú mánuðir liðnir frá komu til sérgreinalæknis.

Með komu til sérgreinalæknis á göngudeild eða dagdeild sjúkrahúsa skv. 1. mgr. er átt við ferli- verk, þ.e. lækni meðferð sem unnt er að veita hvort sem er á læknaðstofum utan sjúkrahúsa eða á sjúkrahúsum og krefst ekki innlagnar á legudeild nema í undantekningartilvikum. Sjúkratryggður greiðir gjald, sbr. 1. mgr., og gildir þá einu þótt næturdvöl kunni að reynast nauðsynleg í einstökum tilvikum enda fari dvölin ekki yfir 24 klukkustundir. Sjúkratryggðir greiða fyrir þjónustu svæfingalækni á sjúkrahúsi vegna aðgerðar þar hjá sjálfstætt starfandi tannlækni, sama hlutfall og vegna tannlækninganna, sbr. reglugerð um þátttöku sjúkratrygginga í kostnaði sjúkratryggðra við tannlækningar. Börn og börn með umönnunarmat greiða ekkert gjald. Óheimilt er að krefja sjúkratryggðan annarra gjalda vegna aðgerðarinnar.

Undanþegar gjaldskyldu eru komur á göngudeild eða dagdeild sjúkrahúsa sem tengjast meðgönguvernd þar sem þungun hefur verið staðfest og komur í allt að fjórar vikur eftir fæðingu.

Gjöld vegna þjónustu á göngudeild eða dagdeild sjúkrahúsa skulu renna til reksturs viðkomandi sjúkrahúss.

VIII. KAFLI

Sameiginleg ákvæði fyrir þjónustu í heilsugæslu, á sjúkrahúsum og utan sjúkrahúsa.

16. gr.

Gjöld fyrir rannsóknir, geisla- og myndgreiningar og beinþéttmælingar.

Fyrir hverja komu til rannsóknar á rannsóknarstofu og vegna rannsóknar á sýni sem sent er til rannsóknar í rannsóknarstofu, sbr. þó 13. gr., skulu sjúkratryggðir greiða sem hér segir:

1. Sjúkratryggðir almennt, 2.914 kr.
2. Aldraðir og öryrkjar, 1.942 kr.
3. Börn með beiðni um rannsókn frá heimilis- eða heilsugæslulækni, eða hafa fengið tilvísun til sérgreinalæknis frá heilsugæslu- eða heimilislækni ekkert gjald, annars 1.942 kr. Börn sem þarfnast rannsóknar í beinu framhaldi af komu eða endurkomu á slysadeild eða bráðamóttöku sjúkrahúsa greiða þó ekkert gjald.
4. Börn yngri en tveggja ára og börn með umönnunarmat ekkert gjald.

Fyrir hverja komu til geisla- og myndgreiningar og beinþéttmælingar skulu sjúkratryggðir greiða sem hér segir:

1. Sjúkratryggðir almennt, 90% af umsömdu heildarverði eða verði samkvæmt fylgiskjali 1., sbr. þó 3. gr.
2. Aldraðir og öryrkjar 2/3 af því sem sjúkratryggðir almennt greiða, sbr. þó 3. gr.

3. Börn með beiðni um rannsókn frá heimilis- eða heilsugæslulækni, eða þau sem hafa fengið tilvísun til sérgreinalæknis frá heilsugæslu- eða heimilislækni ekkert gjald, annars 1/3 af því sem sjúkratryggðir almennt greiða, sbr. þó 3. gr. Börn sem þarfnast rannsókna í beinu framhaldi af komu eða endurkomu á slysadeild eða bráðamóttöku sjúkrahúsa greiða þó ekkert gjald.
 4. Börn yngri en tveggja ára og börn með umönnunarmat ekkert gjald.
- Gjöld vegna þjónustu á heilsugæslustöð og á sjúkrahúsum skulu renna til reksturs stofnananna.

IX. KAFLI

Þjálfun.

17. gr.

Þjálfun.

Þjálfun sem telst læknisfræðilega nauðsynleg og samið hefur verið um fellur undir greiðsluþátttöku Sjúkratrygginga Íslands þegar eftirfarandi skilyrði eru uppfyllt:

1. Þjálfun er nauðsynlegur liður í að greina og meðhöndla vandamál sem orsaka skerðingu á færni.
2. Þjálfun er nauðsynlegur liður í endurhæfingu eða til að fyrirbyggja frekari færniskerðingu vegna fötlunar, frávíka í eðlilegum þroska, langvinnra sjúkdóma eða í kjölfar aðgerða, veikinda og slysa.

18. gr.

Orðskýringar.

Í kafla þessum hafa eftirfarandi orð svofellda merkingu:

1. Þjálfun: Sjúkraþjálfun, iðjuþjálfun og talþjálfun.
2. Ár: 365 dagar, talið frá fyrsta meðferðarskipti.

19. gr.

Réttur sjúkratryggðs til þjálfunar.

Forsenda fyrir greiðsluþátttöku Sjúkratrygginga Íslands í þjálfun er að fyrir liggi tilvísun frá lækni eða sjúkraþjálfara á heilsugæslustöð þar sem fram kemur sjúkdómsgreining. Þó er heimilt að víkja frá þessu skilyrði vegna meðferðar hjá sjúkraþjálfara sem nemur allt að sex skiptum á einu ári.

Sjúkratryggður sem þarf á þjálfun að halda, að mati lækni og þjálfara, sbr. þó undantekningu í 1. mgr., á rétt á allt að 15 nauðsynlegum meðferðarskiptum á einu ári. Sjúkratryggður á einnig rétt á nauðsynlegri viðbótarþjálfun, sbr. 3. og 4. mgr., enda hafi Sjúkratryggingar Íslands samþykkt slíka meðferð.

Ef nauðsyn er talin vera fyrir fleiri skiptum en 15 á einu ári er Sjúkratryggingum Íslands heimilt, í eftirfarandi tilvikum samkvæmt umsókn, að ákvarða viðbótarþjálfun sem sjúkratryggingar taka til, í samræmi við vinnureglur sem stofnunin setur sér:

1. Ef sjúkratryggður er með mjög skerta færni og áframhaldandi þjálfun er ótvírætt nauðsynleg.
2. Ef sjúkratryggður er haldinn langvarandi sjúkdómi sem leitt getur til færniskerðingar sem áframhaldandi þjálfun getur að öllum líkindum seinkað eða komið í veg fyrir.
3. Ef um er að ræða áframhaldandi þjálfun sem er þáttur í nauðsynlegri endurhæfingu í kjölfar veikinda, aðgerðar eða slyss.
4. Ef um er að ræða fjölþætt vandamál sem ekki falla undir lið 1–3 þar sem þjálfun er nauðsynlegur hluti af skipulögðu endurhæfingarferli.

Sækja skal um viðbótarþjálfun fyrir fram. Umsókn um viðbótarþjálfun skal vera á því formi sem Sjúkratryggingar Íslands ákveða. Stofnunin skal hafa tekið afstöðu til umsóknarinnar innan tveggja vikna frá því að hún, ásamt öllum nauðsynlegum gögnum, er móttækin.

Sjúkratryggingum Íslands er heimilt að samþykkja sjúkraþjálfun í heimahúsum ef sjúkratryggður einstaklingur er þannig líkamlega á sig kominn að hann kemst ekki í meðferð á sjúkraþjálfunarstofu. Sækja skal fyrir fram um greiðsluþátttöku til Sjúkratrygginga Íslands vegna þessarar meðferðar.

Heimilt er Sjúkratryggingum Íslands að samþykkja sjúkraþjálfun á hestbaki þegar um er að ræða skaða í miðtaugakerfi enda sé þjálfunin framkvæmd af sjúkraþjálfara sem hefur sérþekkingu á

sjúkraþjálfun á hestbaki. Sækja skal fyrir fram um greiðsluþátttöku til Sjúkratrygginga Íslands vegna þessarar meðferðar.

20. gr.

Greiðsluþátttaka sjúkratryggðs.

Greiðslur sjúkratryggðra einstaklinga fyrir þjálfun skv. 19. gr. skulu vera sem hér segir:

1. Sjúkratryggðir almennt, 90% af umsömdu heildarverði, sbr. þó 3. gr.
2. Aldraðir og öryrkjar, 2/3 af því sem sjúkratryggðir greiða almennt, sbr. þó 3. gr.
3. Börn á aldrinum tveggja ára til og með 17 ára með tilvísun skv. 19. gr., ekkert gjald, annars 1/3 af því sem sjúkratryggðir greiða almennt fyrir komuna, sbr. þó 3. gr.
4. Börn yngri en tveggja ára og börn með umönnunarmat greiða ekkert gjald.

Ef samið er um hærra heildarverð fyrir tilgreinda hópa sjúkratryggðra eða tilgreinda meðferð reiknast greiðsla sjúkratryggðra einstaklinga út frá heildarverði fyrir almennt umsamda þjálfunar-meðferð. Þetta á þó ekki við um sérstakt umsamið skoðunargjald, sérfræðiálag og sérstakt menntunar-álag sjúkraþjálfara en í þeim tilvikum greiða sjúkratryggðir hlutfall af umsömdu verði.

Með fjölda skipta er átt við samanlagðan skiptafjölda sjúkratryggðs á ári í þjálfun.

Hver tvö skipti í hópmeðferð hjá þjálfara, sbr. 1. mgr., teljast svara til eins skiptis í annarri þjálfun við talningu af heimild. Það sama gildir um einfalda meðferð.

Fyrir heimameðferð sem Sjúkratryggingar Íslands hafa samþykkt, sbr. 5. mgr. 19. gr., greiðir sjúkratryggður sama gjald og vegna sjúkraþjálfunar á stofu. Í sérstökum tilvikum, ef um mjög alvarlegt sjúkdómsástand eða mjög alvarlega fötlun er að ræða, er Sjúkratryggingum Íslands heimilt að samþykkja heimasjúkraþjálfun án greiðslu sjúkratryggðs.

Fyrir nauðsynlega þjálfun á hestbaki sem Sjúkratryggingar Íslands hafa samþykkt, sbr. 6. mgr. 19. gr., greiðir sjúkratryggður sama gjald og vegna sjúkraþjálfunar á stofu.

21. gr.

Þjálfun á göngudeildum heilbrigðisstofnana.

Greiðslur sjúkratryggðra fyrir þjálfun á göngudeildum heilbrigðisstofnana skulu fara eftir ákvæðum 20. gr.

22. gr.

Vottorð.

Sjúkratryggingar Íslands geta krafist vottorðs frá þjálfara eða lækni sjúklings um nauðsyn þjálfunar, einkum vegna þjálfunarmeðferðar umfram 20 skipti á ári og vegna annarrar langtímameðferðar.

X. KAFLI

Meðferð húðsjúkdóma sem veitt er af öðrum en læknum.

23. gr.

Meðferð húðsjúkdóma.

Meðferð húðsjúkdóma, sem veitt er af öðrum heilbrigðisstarfsmönnum en læknum samkvæmt samningi, fellur undir greiðsluþátttöku sjúkratrygginga þegar um er að ræða nauðsynlega meðferð vegna húðsjúkdóma sem felst í B-geislum, B- og A-geislum, PUVA-meðferð eða margþættri húð-meðferð sem veitt er af öðrum en læknum samkvæmt fyrirmælum læknis.

24. gr.

Meðferðarstaður.

Meðferð húðsjúkdóma skal fara fram á starfsstöð rekstraraðila. Meðferð má einungis veita samkvæmt tilvísun læknis.

Meðferð skal veitt samkvæmt fyrirmælum læknis, sérfræðings í húðsjúkdómum, þar sem því verður við komið. Við meðferðina skulu starfa hjúkrunarfræðingar eða aðrir heilbrigðisstarfsmenn sem hafa nægilega kunnáttu til starfans.

25. gr.

Greiðsluþátttaka sjúkratryggðs.

Greiðslur sjúkratryggðra almennt fyrir meðferð skv. 1. og 3. gr. skulu vera sem hér segir:

1. Fyrir meðferð sem felst í B-geislum og/eða B- og A-geislum, með eða án smyrsla: 90% af umsömdu heildarverði, sbr. þó 3. gr.
2. Fyrir meðferð sem felst í PUVA-meðferð: 90% af umsömdu heildarverði, sbr. þó 3. gr.
3. Fyrir margþætta húðmeðferð: sama gjald og tilgreint er í 1. tölul.

Greiðslur aldraðra og öryrkja skulu vera 2/3 af því sem sjúkratryggðir almennt greiða, sbr. þó 3.

gr.

Börn og börn með umönnunarmat greiða ekkert gjald.

XI. KAFLI

Þjónusta sjálfstætt starfandi sálfræðinga við börn yngri en 18 ára.

26. gr.

Sálfræðiþjónusta við börn.

1. Umsamin sálfræðiþjónusta við börn fellur undir greiðsluþátttöku Sjúkratrygginga Íslands þegar eftirfarandi skilyrði eru uppfyllt: Að um sé að ræða börn yngri en 18 ára sem þurfa á þjónustu að halda skv. 2. tölul. að mati þverfaglegs greiningarteymis heilbrigðisstarfsmanna eða barnageðlæknis skv. 3. tölul.
2. Að þjónustan taki til sálfræðimeðferðar á grundvelli tilvísunar skv. 3. tölul. vegna alvarlegra geðhegðunar- og þroskaraskana, svo sem vegna kvíða, þunglyndis eða þráhyggjueinkenna. Meðferðarskipti á grundvelli hvernar tilvísunar geta orðið allt að tíu.
3. Að fyrir liggja tilvísun á þjónustuna frá þverfaglegu greiningarteymi heilbrigðisstarfsmanna eða barnageðlækni. Í tilvísun skal tilgreina fjölda meðferðartíma sem geta að hámarki orðið tíu, svo og gildistíma tilvísunar sem er að hámarki 12 mánuðir frá útgáfudegi hennar. Um meðferð vegna kvartana fer eftir lögum um landlækni og lýðheilsu og lögum um réttindi sjúklunga. Sé að mati teymis eða barnageðlæknis þörf á tilvísun ákveður sjúkratryggður einstaklingur til hvaða samningsbundins sálfræðings honum er vísað. Teymið eða barnageðlæknir veitir aðstoð við val á sálfræðingi ef sjúkratryggður einstaklingur óskar eftir því. Sjúkratryggður greiðir ekkert gjald fyrir tilvísun.

27. gr.

Greiðsluþátttaka sjúkratryggðs.

Barn greiðir ekkert gjald fyrir komu til samningsbundins sálfræðings utan sjúkrastofnana.

28. gr.

Lok meðferðar.

Í lok meðferðar (meðferðarlotu) skal sálfræðingur senda skýrslu um árangur meðferðar til tilvísandi greiningarteymis eða barnageðlæknis, sbr. 3. tölul. 26. gr., þar sem fram komi stutt ágríp af innihaldi meðferðar og lýsing á árangri hennar á grundvelli markmiða samkvæmt tilvísun og þörf á frekari meðferð hjá sálfræðingi sé sú talin raunin.

XII. KAFLI

Ýmis ákvæði.

29. gr.

Reikningsupplýsingar.

Þegar reikningur er gerður til Sjúkratrygginga Íslands skal þjónustuveitandi draga greiðslu sjúkratryggðra frá umsömdu heildarverði. Ekki er gerður reikningur til Sjúkratrygginga Íslands vegna þjónustu sem veitt er á sjúkrahúsum eða á heilsugæslustöðvum nema sérstaklega hafi verið um það samið skv. IV. kafla laga nr. 112/2008, um sjúkratryggingar. Reikningar skulu að öðru leyti uppfylla skilyrði laga og reglna á hverjum tíma. Þeir skulu vera á því formi sem Sjúkratryggingar Íslands ákveða og getur stofnunin krafist þess að þeir berist á rafrænu formi.

30. gr.

Sérreglur fyrir líffæragjafa.

Þeir sem gefa líffæri eða fyrirhugað er að gefi líffæri eru undanþegnir öllum gjöldum samkvæmt reglugerð þessari vegna rannsókna og/eða meðferðar sem er í beinum tengslum við brottám líffæris eða fyrirhugað brottám líffæris.

31. gr.

Gjald fyrir sjúkraflutninga.

Fyrir sjúkraflutning á sjúkrahús/heilbrigðisstofnun og frá sjúkrahúsi/heilbrigðisstofnun skulu sjúkratryggðir greiða 7.553 kr.

32. gr.

Gildistaka.

Reglugerð þessi, sem sett er með heimild í 1. mgr. 29. gr. laga nr. 112/2008, um sjúkratryggingar, sbr. 17. gr., 18. gr., 19. gr., 21. gr. og 22. gr. sömu laga, með síðari breytingum, 8. gr. laga nr. 42/2007 um Heyrnar- og talmeinastöð og 37. gr. laga nr. 40/2007, um heilbrigðisþjónustu, með síðari breytingum, öðlast gildi frá og með 1. janúar 2022. Frá sama tíma fellur úr gildi reglugerð nr. 1350/2020 um greiðsluþátttöku sjúkratryggðra í kostnaði vegna heilbrigðisþjónustu.

Heilbrigðisráðuneytinu, 23. desember 2021.

Willum Þór Þórsson
heilbrigðisráðherra.

Ásta Valdimarsdóttir.

Fylgiskjal I.

Ákveðið heildarverð fyrir geisla- og myndgreiningar til viðmiðunar við útreikning á greiðsluhluta sjúklings fyrir komu á heilsugæslustöð og sjúkrahús þar sem ekki er um innlögn að ræða, sbr. 2. og 4. mgr. 14. gr. reglugerðar þessarar.

Flokkur	Verð kr.	Flokkur	Verð kr.
1. fl.	5.325	11. fl.	38.034
2. fl.	7.100	12. fl.	40.570
3. fl.	11.410	13. fl.	44.374
4. fl.	18.510	14. fl.	57.052
5. fl.	22.821	15. fl.	63.391
6. fl.	25.356	16. fl.	70.998
7. fl.	27.385	17. fl.	129.317
8. fl.	29.160	18. fl.	278.919
9. fl.	34.992	19. fl.	400.630
10. fl.	35.499	20. fl.	102.947

Verðflokkur í jáeindaskanna	Verð kr.		
21. fl.	701-70	218.064	860
21. fl.	701-71	236.574	933
21. fl.	701-72	245.449	968
21. fl.	701-73	236.574	933
21. fl.	701-74	245.449	968
21. fl.	701-75	236.574	933
21. fl.	701-76	245.449	968
21. fl.	704-70	369.949	1459

- Einungis er gjaldfært fyrir einn flokk í hverri komu í flokkum 17–19 og er þá miðað við hæsta verðflokk þess sem gert er.
 - Gjaldfært er sérstaklega fyrir hjartagangráða, stent og regnhlífur, að öðru leyti eru einnota vörur innifaldar í verðskrá.
 - Við ómskoðun gildir einu hve mörg líffæri innan flokksins eru skoðuð, hámarksgreiðsla fyrir sjúklingakomu eru tveir flokkar.
- Ef rannsókn er í 8. flokki er það hámarksgreiðsla fyrir ómun.

V. fl.	Ómfl.	Nr.	Heiti rannsóknar	Ein.	V. fl.	Ómfl.	Nr.	Heiti rannsóknar	Ein.
1. Verðflokkur					2. Verðflokkur				
1		301-00	Epipharynx	21	1		639-00	Mjaðmarliðir	21
1		304-00	Mjúkpartar á hálsi/barki/skjaldkirtill	21	1		641-00	Lærleggur	21
1		401-00	Munnvatnskirtilar	21	1		642-00	Hnéliður	21
1		600-09	Rannsókn á sýni	21	1		645-00	Fótleggur	21
1		601-00	Cranium	21	1		646-00	Ökkli	21
1		602-00	Sinuser	21	1		648-00	Fótur/hæll/tær	21
1		603-00	Andlitsbein/nefbein	21	2		320-00	Lungu	28
1		608-00	Neðri kjálki/kjálkaliðir	21	2		320-09	Lungu/rekkjumynd á röntgendeild	28
1		609-00	Kjálkaliðir (bitrannsókn)	21	2		460-00	Kviðarhol, yfirlit	28
1		620-00	Sternum	21	2		501-00	Þvagfærayfirlit	28
1		621-00	Hálsiðir	21	2		6xx-32	Bein og liðir	
1		622-00	Brjóstliðir	21				álagsrannsóknir, liggjandi eða standandi	28
1		623-00	Lendarliðir	21	2		6xx-33	Bein og liðir - hornamæling	28
1		624-00	Rif	21	2		611-00	Orthopantomografia	28
1		625-00	Sternoclavicularliðir	21	2		617-00	Leguákvörðun	28
1		626-00	Mjaðmagrind	21	2		617-00	Leguákvörðun	28
1		627-00	Sacroiliacaliðir	21	2		626-10	Mjaðmagrind - skyggnaðstöð	28
1		628-00	Spjaldbein/rófubein	21	2		626-11	Mjaðmagrind rannsókn á skurðstofu	28
1		631-00	Axlarl./viðbein/herðablað	21	2		629-00	Hryggскеkkjurannsókn	28
1		632-00	Sérmynd af acromion, Bigliani	21	2		655-00	Lengdarákvörðun/hornamæling á útlimum	28
1		633-00	Upphandleggur	21					
1		634-00	Olnbogi	21	2				
1		636-00	Framhandleggur	21	2				
1		637-00	Úlnliður	21					
1		638-00	Hönd/fingur	21					

V. fl.	Ómfl.	Nr.	Heiti rannsóknar	Ein.	V. fl.	Ómfl.	Nr.	Heiti rannsóknar	Ein.
3. Verðflokkur					4				
3		199-00	Aðrar aðgerðir ótaldar	45			823-04	TS-lendarhryggur með skuggaefni í mænugangi (myelogr.)	73
3		302-00	Talmeinafræðileg rannsókn	45	4	VIII	9xx-01	Ómun m/skuggaefni	73
3		320-07	Lungu/rekkjumynd	45	4		8xx-00	TS-rannsókn án skuggaefnisgjafar	73
3		399-00	Aðrar aðgerðir ótaldar	45	5. Verðflokkur				
3		443-00	Anal fistulografa	45	5	VIII	9xx-60	Æðaómskoðun án skuggaefnisgjafar/flæðisrannsóknir - öðrum megin	90
3		499-00	Aðrar aðgerðir ótaldar	45	6. Verðflokkur				
3		511-00	Retrograd pyelografia	45	6		402-00	Sialografia	100
3		512-00	Antegrad pyelografia	45	6		410-00	Vélinda	100
3		540-00	Grindarmál	45	6		431-00	Mjógirmi I - tvíkontrast (sondupassage)	100
3		599-00	Aðrar aðgerðir ótaldar	45	6		440-00	Ristill	100
3		600-36	Fistulografia	45	6		441-00	Ristill - tvíkontrast	100
3		607-00	Dakrocystografia	45	6		442-00	Defecografia	100
3		656-00	Ákvörðun beinaldurs	45	6		449-00	Herniografia	100
3		663-00	Röntgenmynd-brjóst/mammaografi	45	6		530-00	Urethrocystografia	100
3		699-00	Aðrar aðgerðir ótaldar	45	6		531-00	Mictionsurethrocystografia	100
3	I	91x-00	Ómun hófuð og heili	45	6		533-00	Vesiculografia	100
3	I	912-07	Ómun heili mobil	45	6		534-00	Rannsókn á Brickersblöðru (loopografia)	100
3	I	912-11	Ómun heili á skurðstofu	45	6		560-00	Hysterosalpingografia	100
3	II	92x-00	Ómun hjarta og brjóstholshæðar	45	6		664-00	Ductografia/Galactografia	100
3	III	93x-00	Ómun háls og brjósthol	45	6		686-00	Ganglimsplebografia	100
3	IV	94x-00	Ómun kviðarhol og kviðarholslíffæri	45	7. Verðflokkur				
3	IV	94x-07	Ómun kviðarhol og kviðarholslíffæri (mobil)	45	7		8xx-01	TS-rannsókn með skuggaefnisgjöf	108
3	IV	94x-11	Ómun kviðarhol og kviðarholslíffæri á skurðstofu	45	7		869-33	Tölvusneið - mjaðmargrind + hornamæling	108
3	V	95x-00	Ómun þvaggfæri, eistu og nýmahettur	45	7		870-33	TS-fótleggur + hornamæling	108
3	V	95x-07	Ómun þvaggfæri - mobil	45	7		895-00	TS-dental einföld vegna titanium implantationar	108
3	V	95x-11	Ómun þvaggfæri á skurðstofu	45	8. Verðflokkur				
3	VI	960-00	Ómun bein - liðir – liðþófar	45	8		510-00	Þvaggfærarannsókn með skuggaefni, urografia	115
3	VI	961-00	Ómun mjúkparta á útlimum	45	8		131-00	Lumbal myelografia	115
3	VI	962-00	Ómun útlímaæðar	45	8		132-00	Thoracal/Cervical/Total myelografia	115
3	VI	963-00	Ómun mamme	45	8		304-05	Mjúkpartar á hálsi m/ástungu	115
3	VI	964-00	Ómun mjúkparta, aðrir	45	8		320-05	Lungu - ástunga/sýnistaka	115
3	VII	97x-00	Ómun leg, eggjaleiðarar, eggjastokkar og fóstur	45	8		350-00	Bronchografia	115
4. Verðflokkur					8		450-50	Gallvegir, skipt um slöngu	115
4		320-10	Lungu - skyggnaðstoð	73	8		460-05	Kviðarhol, yfirlit m/ástungu	115
4		420-00	Magi	73	8		463-00	Ductografia choled. (ERC)	115
4		430-00	Mjógirmi	73	8		464-00	Ductografia pancreas (ERP)	115
4		450-00	Gallvegir um dren	73	8		590-50	Skipt um nefrostomiuslöngu	115
4		453-00	Gallvegir í aðgerð	73	8		663-02	Röntgenmynd með skuggaefni	115
4		460-10	Kviðarhol, skyggning	73	8		663-05	Ástunga með Röntgenmynd	115
4		501-10	Þvaggfæri, skyggning	73	8		685-00	Bláæðarannsókn á handlegg	115
4		586-00	Cavemografia	73	8		688-00	Lymfografia	115
4		589-00	Bláæðarannsókn, aðrar æðar ótaldar	73	8		6xx-05	Ástunga/sýnataka	115
4		6xx-35	Skuggaefnisrannsókn á liðum - artrografia	73	8	VIII	9xx-05	Ástunga eða sýnistaka	115
4		600-10	Skyggning	73	9. Verðflokkur				
4		600-38	Rannsókn á líki	73	9		8xx-02	TS-rannsókn án og með skuggaefni/fjölfasa	138
4		800-77	Plönun/eftirhleðslu	73					
4		821-04	TS-hálsryggur með skuggaefni í mænugangi (myelogr.)	73					
4		822-04	TS-brjóstþryggur m/skuggaefni í mænugangi (myelogr.)	73					

V. fl.	Ómfl.	Nr.	Heiti rannsóknar	Ein.	V. fl.	Ómfl.	Nr.	Heiti rannsóknar	Ein.
		9	896-00 TS-dental tvöföld vegna titanium implantationar	138					
10. Verðflokkur					14. Verðflokkur				
10		320-06	Lungu - ástunga/dren	140	14		8xx-61	Tölvusneiðmyndir - æða-sköðun	225
10		460-06	Kviðarhol - ástunga/dren	140	14	VIII	9xx-61	Æðaómsköðun með skuggaefnisgjöf/flæðis-rannsókn	225
10		6xx-06	Ástunga/dren	140					250
10	VIII	9xx-06	Ómstýrð ástunga/dren	140	15. Verðflokkur				
11. Verðflokkur					15		704-00	Shuntfunction (ventriculo peritoneal eða önnur)	250
11		Mxx-00	Segulómrannsóknir án skuggaefnisgjafar	150	15		709-00	Skjaldkirtilsupptaka og scan	250
11		Mxx-60	Segulómun - æðasköðun án skuggaefnisgjafar	150	15		710-00	Skjaldkirtilskrabbamein, meðferð með I31-I	250
12. Verðflokkur					15		718-00	Ísotóp-lifur og lifrablódflæði	250
12	VIII	9xx-62	Æðaómsköðun án skuggaefnisgjafar/flæðis-rannsóknir - báðum megin	160	15		726-00	Cisternografia	250
13. Verðflokkur					15		728-00	Mænuvökvaleki	250
13		725-00	Ísotóparannsókn heilaskann	175	15		737-00	Hjartaskann (muga) (blood pool) án álags	250
13		734-03	Ísotóparannsókn beinayfirlit - SPECT	175	15		742-00	Hjartavöðvaskann (thallium) með álagi	250
13		783-00	Æviskeið rauðra blóðkorna (red cell survival, RCS)	175	15		744-00	Ísotóparannsókn liðir	250
13		784-03	Ísotóparannsókn lifur/milta (SPECT)	175	15		745-00	Liðbólga, meðferð með 90-Y	250
13		715-00	Nýrnabarkar og safnkerfisskann (gluco eða dtra/dmsa)	175	15		747-00	Bris	250
13		720-00	Nýrnasafnkerfisskann (dpt. hippuran)	175	15		748-00	MIBG (pheochromocytoma o.fl.) með I31-I	250
13		721-00	Nýru, Króm-EDTA-clearance (51-CR)	175	15		754-00	Ísotóparannsókn heila með Ceretec	250
13		734-00	Ísotóparannsókn beinayfirlit	175	15		756-00	Parathyroid kirtlar	250
13		735-00	Ísotóparannsókn lungu	175	15		757-00	Nýrnahettur	250
13		736-00	Lungu (loftvegir)	175	15		761-00	Ísotóparannsókn beinmergur	250
13		740-00	Ísotóparannsókn munnvatnskirtlar	175	15		765-00	Lymfueitlar	250
13		741-00	Hjartavöðvaskann (thallium) (einungis í hvíld)	175	15		767-00	Æxlisskann með gallium eða jöð I31	250
13		743-00	Ísotóparannsókn myocardium	175	15		768-00	Nýrnaskann með lasix	250
13		750-00	Nýrnabarkarskann (dmsa)	175	15		774-00	Gallvegir með Kinevac eða eftir fitumáltíð	250
13		755-00	Ísotóparannsókn thyroidea	175	15		775-00	Frásög á gallskýru í þörmum (SeHCAT, 75-Se)	250
13		762-00	Blóðrúmmál (rauð blóðkorn, 51-Cr)	175	15		776-00	Beinaskönnun, þrífasa + tvífasa (liðir)	250
13		763-00	Thrombosugreining (isotopaflebografia)	175	15		777-00	Beinaskönnun, tvífasa	250
13		766-00	Eistnaskann	175	15		781-00	Polycytaemia vera, meðferð	250
13		773-00	Ísotóparannsókn gallvegir (HIDA)	175	15		782-00	Æviskeið rauðra blóðkorna	250
13		779-00	Tárögöng	175	15		790-00	Meltingarfærablæðingarskann með rauðum blóðkornum	250
13		784-00	Ísotóparannsókn lifur/milta	175	15		795-00	Æxlisskann með monoclonal antibodies	250
13		787-00	Maga-vélinda refluxskann	175	15		796-00	Sýkingarskann með merktum hvítum blóðkornum	250
13		788-00	Ísotóparannsókn magatæming patológískt	175	15		797-00	Sýkingarskann með gallium	250
13		789-00	Magatæming (föst fæða)	175	15		798-00	Skjaldkirtlskrabbamein, meinvarpaleið I31-I	250
13		791-00	Meltingarfærablæðingarskann með sulfur colloid	175	16. Verðflokkur				
13		792-00	Meckelskann	175	16		Mxx-01	Segulómrannsóknir án og með skuggaefnisgjöf	280
13		793-00	Ísotópacystografia (MUCG)	175	16		Mxx-61	Segulómun - æðasköðun með skuggaefnisgjöf	280
13		711-00	Ofstarfsemi skjaldkirtils meðferð með I31-I	175	17. Verðflokkur				
13		785-00	Schillingspróf I	175	17		170-00	Carotis angiografia	510
13		786-00	Schillingspróf II	175	17		171-00	Carotis interna angiografia	510
13		778-00	Beinaskann 3 fasa	175					

V. fl.	Ómfl.	Nr.	Heiti rannsóknar	Ein.	V. fl.	Ómfl.	Nr.	Heiti rannsóknar	Ein.
17		172-00	Sérþræðing á carotis externa ang.	510	17		590-00	Ástunga á nýrnaskjóðu (percutan nefropyelostom)	510
17		173-00	Arteriografia aa. vertebr.	510	17		592-52	Stungið á blöðru í nýra (cystupunction) - stent	510
17		174-00	Aorta-cervical angiografia	510	17		593-00	Stungið á blöðru í nýra (cystupunction)	510
17		175-00	Superselectiv angiografia	510	17		675-00	Slagæðarannsókn á handlegg	510
17		176-00	Spinal angiografia	510	17		676-00	Ganglimsangiografia	510
17		180-00	Orbital flebografia	510	17		677-00	Aorto-femoral angiografia	510
17		181-00	Jugularis flebografia	510	17		679-00	Rannsókn annarra slagæða	510
17		182-00	Spinal flebografia	510	17		729-00	Basal ganglia (BETA-CIT-123-I)	510
17		195-00	Deyfing á ganglion semilunare (Gasseri)	510	17		8xx-05	Tölvusneiðmyndastýrð ástunga sýnataka	510
17		372-00	Thoracal aortografia	510	17		8xx-06	Tölvusneiðmyndastýrð ástunga/dren	510
17		376-00	Æðarannsókn hálslíffæra (t.d. skjaldkirtils)	510	17		Mxx-05	Segulómstýrð ástunga/sýnataka	510
17		377-00	Þræðing á bronchial æðum	510	17		Mxx-06	Segulómstýrð ástunga/dren	510
17		382-00	Skuggaefnisinnæling í lungnaslagæð	510			18. Verðflokkur	1100	
17		383-00	Thoracal cavografia	510	18		746-00	MIBG (pheochromocytoma o.fl.) með 123-I	1100
17		395-00	Non-invasiv raflífeðlisfræðileg rannsókn	510	18		780-00	Æxliskönnun (Octreotide, 111-In)	1100
17		410-40	Vélinda - útvíkkun	510			19. Verðflokkur	1580	
17		440-40	Ristill - útvíkkun	510	19		758-00	Beinameinvörp, meðferð með 89-Sr (Metastron)	1580
17		470-00	Kviðarholsæðar - innæling í aorta	510			20. Verðflokkur	406	
17		471-00	Kviðarholsæðar, sérþræðing	510	20		965-05	Sognálar-sýnataka með aðstoð ómunar	406
17		480-00	Cavografia inf. með v.iliaca	510			21. Verðflokkar í jáeindaskanna		
17		498-00	Víkkun þrengsla í vélinda	510	21		701-70	FDG-JS án TS (höfuð)	860
17		570-00	Æðarannsókn á æðum í mjaðmargrind	510	21		701-71	FDG-JS með TS - háls thorax kviður - án skuggaefnis	933
17		571-00	Sérþr. í æðar grindarholslíffæra	510	21		701-72	FDG - JS með TS - háls thorax kviður - með skuggaefni	968
17		573-00	Renal aortografia	510	21		701-73	FDG - JS með TS - háls thorax kviður neðri útlimur - án skuggaefnis	933
17		574-00	Nephroangiografia	510	21		701-74	FDG - JS með TS - háls thorax kviður neðri útlimur - með skuggaefni	968
17		576-00	Nýrnahettuslagæðar, sérþræðing	510	21		701-75	FDG - JS með TS - höfuð og háls - án skuggaefnis	933
17		577-00	Sérþræðing í Art. testicularis/ovarica	510	21		701-76	FDG - JS með TS - höfuð og háls - með skuggaefni	968
17		578-00	Slagæðarannsókn á ígræddu nýra	510	21		704-70	Flumetamol - JS	1.459
17		579-00	Æðarannsókn, aðrar æðar ótaldar	510					
17		580-00	Flebografi á renalis	510					
17		581-00	Nýrnabláæðar, sérþræðing og blóðsýni tekin	510					
17		582-00	Flebografia af gl. supraren.	510					
17		584-00	Sérþræðing í vena spermatica	510					
17		584-43	Lokun á vena spermatica (embolisation)	510					
17		585-00	Bláæðarannsókn grindarholslíffæra	510					